

薛文清公行實錄

薛文清公行實錄三卷

記類

重建薛文清公祠堂記

賜進士及第解州判官前翰林院修撰 經筵

講官同修國史高陵呂拱撰

文清公薛先生祠在其縣南街東面粵自

弘治九年之夏給事有奏禮科禮部具題

勅下省邑興建祠宇兼賜名額崇儒重道日照

月臨爾乃草創之初規制隘陋又且傾頽

嘉靖五年三月山西按察副史王公陽武

按部河津奮然興懷欲於本道賊罰米石量

除百金爲增修具遂告諸巡撫都御史江

公賈溪巡按御史馬公信陽儲公襄陽初

公果江咸嘉所舉有褒揚辭馬公又發金

六十改建舊坊尚書初公亦爲祠事先降

十金於是王公委平陽同知許君琦猗氏

知縣張翼董其事乃買民地僧院增拓厥

基建廟五穗廊廡重門鳥革翬飛謂枌嘗

從儲初二公至河津謁先生也請記其事

嗟乎先生今代儒之道學其一人乎先生

之生也紫衣兆母齊之夢

母將就館夢啼紫衣人來

聲動祖義之卜

先生生有異預家人欲五棄祖聞哭聲卜吉止

臟露如水晶其清透骨七歲通乎論孟其

知鄰神方垂髫鬢叅議欲請見而不往陳謂

宗既嬰法豸師保求識面而不得楊文貞

道若可行雖卑官不屈後為大理丞卿義

如難從於權勢奚願謂抗時貴玉田謫戍皆元

之耆儒也不敢以師自居稱聖門之有人先生十六

父在玉田特諸御史謫者永嘉徐懷玉諸

密魏帝文齊南王素亭父諱之數先生君皆以友處金陵鎮皆時之巨擘也不敢

以勢自處雖却扇而不怒大監與安表誠

先生辭曰賜扇乃疏講學以禦侮虜既入

而遽退之已變布恩信以撫苗檄方馳而

平語貴州辨冤獲咎逆官保而不悔稷松

飢民乞粟富家放火逃海懲姦伸法雖豪

右亦罔赦在南京或雪夜以抄經雖獄院

而誦易謂辨誣王志在作人一磬士之

必錄提其祭祀能擊磬之法若可伸於軍

妻之必辨謂校尉通百戶之妾既受爵

於公朝不知私室之謝恩為大理少卿

公卿皆屈事之 欲傳道於來學豈對稱

舉之旁問稱疾出閤寧犯乎吉祥謂不從諸公拜賀曹吉祥

慷慨就獄思比於劉球季士劉球先忤王振死獄中

英廟易服以見若昔汲黯之必冠時上服短服小帽先生

至變長服 石亨請

勅與歸則比許衡之懸梁時亨欲請勅與先生歸教鄉里生徒先生

舉魯齋荀事以辭 見幾而行於醴酒不設之時見石亨弄

德福得書而比於居洛不答之老謂得李賢諸公書

守車輪戶牖之志監銀塲而出貪墨一時軒

耿諸公不足方其清也謂都御史 軒輓

為殺粟布帛之文錄讀書而究性理一時

劉李諸公不足以並其文也

謂文安公劉定之文達公

李汝璣夏三楊勳矣人或議其節

忠定公忠義忠

靖公夏原吉文貞公楊士奇文敏公張許

楊榮文定公楊溥

劉周節矣人或議其幾

家宰張純修撰許

周是吳陳羅胡有極高明之學道中庸恐

未同

翰德吳與所檢討陳

獻章敬齋胡居仁黃李王于有一

身徇國之勇盡精微恐不逮

忠宣公黃福

司馬王結甫若乃先生以力行為讀書以

明道為修辭清而不詭異而且同

顏抗志程朱老不殊壯困未改通許魯齊

之後未有見其能此者也故當其存時或

曰今夫子山東及或曰真鐵漢通政李

或曰好官一人太監金或曰不愧往哲宰

代已時方提或曰躬行實踐季士江

或曰本朝理學一人大賢或曰學已至

乎樂地御史張其不平者止權貴耳及

其既歿或曰今之真儒當入孔廟禮科給事中張九功奏

或曰明體適用比元大儒當入從祀工部侍郎姚

或曰潛心理學可祀廟庭布政許讚或曰有

功名教侑食廟庭無忝

承序

其未祀者

盖有待耳然則今日之舉振頽風而警後

### 學廣

德意而顯前哲豈爲泰乎且是祠王公之父高

丞河津時受委上司所督修者也丞嘗言

當事則制於掌印程期則逼於尊官使建

置之未稱雖棄官而猶悔豈期冢嗣憲副

思光前志繼修遺績夢雖徵於王氏今實兆

於有薛謂先生之匪神胡前知之如覩既哲靈之

不沒庶寢成之孔安先生諱瑄字德溫號敬軒謚文清

薛文清公從祀孔庭記

隆慶五年六月十六日書

賜進士出身嘉議大夫詹事府掌府事吏部左侍郎兼翰林院學士東宮侍班兼教庶吉士前總裁實錄經筵日講官蒲阪張四維撰 孔子之道根本人性麗於倫理敷爲禮樂刑政民生日用之則其詳具在六經古今天下不可一日離者故萬世之崇祀無窮然自禮垂釋奠先聖先師之文後世協義起禮於是乎有配享從祀之典

蓋一時及門之士無不與焉其自漢而下諸  
儒必其言不詭於聖經行克由於彛訓足  
以發明斯道扶翊人紀者然後得以俎豆  
其間非是族也則不在祀典爾矣蓋嘗觀  
庭廡所列自七十子外漢世儒者彬彬矣  
而宋爲盛若隋若唐若元各一其人而已  
雖代異人殊要皆後先相望使孔子之道  
歷千載而常新者人極不廢則諸儒之從  
祀亦無窮也國朝文清公敬軒薛先生當  
正統天順間講道河汾慨然自任斯文之

重其學以復性爲主嘗曰六經語孟一言  
以蔽之曰性又曰道不明者性不明也聖  
賢傳授不越明此性行此性焉爾嗚呼盡  
矣其踐履篤實造詣崇邃自一話一言推  
而至於終身大節靡不曲中矩夔晚年玩  
心高明超然自得今其遺書存者若讀書  
二錄精切簡正鑿鑿皆實際語讀之使人  
檢束身心躁妄於焉盡遣堅定志氣昏懦  
以之有立卓矣孔門性學之真傳考亭魯  
齋而後一人而已先生既歿學者仰之不

帝泰山北斗議者咸謂宜從祀 孔子廟  
庭迄今且百年前後以疏請者無慮數十  
上亦可以見人心之公理矣邇者性學漸  
晦士夫所從卑者溺詞章徇功利高者則  
假借禪幻亂性與天道之真有識者慮焉  
求所以力挽頽風屏詖黜遁使殊方異指  
不得爲孔道病者莫先於表章正學曉然  
示天下知所當趨於是言者以先生從祀  
孔庭益亟詔禮臣集廷臣議罔不協者  
帝乃祭告先聖命司空造先生主命禮臣

擇置大學廟庭春秋從享遂詔天下郡邑  
加大學例祀焉時隆慶辛未冬也先生蒲  
之河津人河津張侯汝乾謂百年曠典適  
舉於此時也雖公祀祠宇內乃其故里不  
可以無述爰問記於余碑諸大成門左因  
誌始事云其諸奏請章疏及禮臣會議之  
詳文多不載刻在別碑中

薛文清公書院記

賜進士大中大夫山西等處承宣布政  
使司左叅政前南京戶科給事中門生韓

城王盛撰

河津縣城內大街西有文清薛先生舊宅  
一區乃先生退休講學明理之處歷年既  
久舍宇傾頽弘治戊申春盛以先生弟子  
由科第諫議擢今官巡歷至此不忍觀視  
遂捐俸金二十八兩責成蒲州同知潘林  
邑簿胡睿修之題其門曰文清書院旣而  
巡按繡衣汝陽劉宗敬巡守河東道寅長  
同門右方伯益都陳廉夫暨大叅蒲城王  
尚忠上虞王蓋臣少叅壽昌徐敬夫憲

黽山胡源梁咸與贊助以故大厦三層臨  
街五間中三間後祠堂三間壬子春二月  
落成先生冢孫秋官元吉以弟子能知師  
託爲記其事竊惟道之大原出於天而全  
盡於聖賢大聖孔子集堯舜禹湯文武君  
臣之道統而折衷之刪述六經垂憲萬世  
有見而知之者亦有聞而知之者若顏魯  
思孟之師弟授受於當時此道也周程張  
朱之師弟授受於後世亦此道也道學之  
真朱子之後許公繼之我朝百餘年來應

天相斯文之寄接朱許道統之傳其宗師  
文清先生者乎先生明聖賢性理之學致  
知力行交修並進由風憲進廷尉直不見  
容安命而歸充理學以淑諸人於書院者  
數年若固有之英廟復御皇極閣先生道  
學之宗特起禮部左侍郎兼翰林院學士  
知制誥處元老經綸之地以行其道於天  
下幾半載凡幾明決連上三疏得明農之  
請喜語人曰讀書事今日才了四方學者  
雲集盛之從遊適際其時先生惓惓以復性

正學爲教書院之授受又孰看出於此道  
耶天順甲申先生享年七十著天易箋之  
際尚有此心惟覺性天通之句乃曰古聖  
賢所不免從容而卒人見其白氣冲天此  
関世運之隆替豈偶然而已哉朝廷嘉其  
正學傳後贈禮部尚書謚文清遣進士修  
墳塋弟子皆爲之心喪而治任焉豪傑有  
據其事蹟而累荐者命下入鄉賢祀之吁  
道之顯晦有時愚觀先生所著讀書錄續  
錄文集無非發揮性理之淵源辨異端扶

正學以闡明前聖之道於後世終當從祀  
孔子廟廡而列朱許諸賢之後然天理民  
彝不能泯滅後之人覩此書院必有心領  
神會而興起斯道者則此之書院其杏壇  
丹山之所乎因併記其弟子及從遊答問  
者姓名於後云

李賢字原德河南鄧州人宣德八年進士

沉潜官至少保吏部尚書兼華蓋殿大學士贈太師諡文憲公事蹟見名臣記

秦紘山東單縣人太子少師深河南新鄉人保南京戶部尚書

張睿河南鄆陵縣人尚書張昂陝西長安人戶部尚書

白良輔河南前衛人御史陳銓山東泗水縣人監察御史

薛璘河津縣人知府張澤山西澤州人監察御史

閻禹錫河南洛陽人姚步來冬蒲縣受教監察御史

衛述山西蒲州人知府

孟琳蒲州人知州

辛英蒲州人訓導孫朝陝西韓城縣人太原府同知

郭震 韓城縣人 尚城訓導

張聰 韓城縣人 未仕

高輔 韓城縣人 中府都事  
賈琰 韓城縣人 洪洞知縣

楊志學 河津縣人 訓導  
袁輝 河津人 尚縣教諭

楊潤 河津縣人 登景泰癸酉科廩貢 國子監勸導

邵瑾 河津人 登天順己卯科陝西漢陰縣教諭

田真

高舉 澤州人 訓導

江湖 潼關人 知州  
張澤 潼關人 知縣

尚友 沁水縣人 訓導  
鄭俊 訓導

趙壽 長安縣人知州

王復 安邑縣人知縣

李鼎 安邑縣人教諭

張錫 猗氏縣人知縣

宋鈞 猗氏縣人知縣

謝居 蒲州人監察御史

謝庭桂 蒲州人解元

高堂 河津縣人陝西  
秦州知州

任磬 河津縣人陝西  
淳化縣知縣

部昌 河津縣人直隸真  
定縣丞

袁寶 河津人未仕

馬從道 河津人訓導

趙讓 河津人冠帶

田勝 河津人洮府照磨

臺春 河津人西安衛知事

張璟 河津人主簿

高繪 河津人四川奉節縣主簿

張選

河津縣人  
大名主簿

杜俊

河津人  
河南南陽府知事

周盛

字文茂  
河津縣人  
歲貢士  
為人孝友  
忠實寬平  
縣人  
當時稱曰  
觀文茂客

照然

若春風之  
龍人  
所文茂  
言脫然  
若沈

馬九

載秩滿  
促菜上  
京老  
利相  
扶携  
出郭  
車

道挽

伯絡  
釋數十  
里或  
率挽  
泣下  
喪然  
贈

詩曰

綠水笑  
蓉絕  
点埃  
深陽  
九稔  
屈清  
才

黃英

河津人  
原武縣主簿  
黃傑  
河津人  
經歷

段盛

韓城人  
例貢平陸縣丞  
史華  
韓城人  
休縣主簿

劉琛

韓城人  
例貢大同府經歷  
馮純  
韓城人  
廣鈞主簿

梁博

韓城人  
未仕  
賈剛  
韓城人  
例貢洪鹽

吉節

韓城縣人

李鑑

臨晉縣人 府教授

王瑛

安邑縣人 推官

李傑

縣人 主簿

李侃

縣人 主簿

許佐

河南汝寧府人

杜玄

山東長清縣人

張驥

長清縣人

杜聰

翼城縣人 訓導

李麟

訓導

王藩

江寧人 訓導

王璋

荷氏縣人 主簿

明經士

張敏韓城縣人

趙彬湖廣襄陽人

楊謚蒲州人

田潤蒲州人

韓贇蒲州人

重脩文清薛敬軒先生祠記

賜進士第文林郎浙江道監察御史曲沃後學

李承華撰

余嘗謂士之享榮名垂不朽為天下後世之所宗祀者代有其人然求其學足以究天人功足以快世教道足以紹絕統為人之之所共崇雖愚夫愚婦罔弗賢焉則固

難其人矣我

朝文清薛先生鍾河山之靈秉剛粹之氣由  
內達外邇始至終言動進退一以體認天  
理爲心而洙泗濂洛之傳得先生爲益明  
先正推其爲

昭代理學一人信非厚誣非天下後世之所共  
崇且賢者哉宗而祀之宜矣先是儒臣累  
疏請從祀孔子時爲私議所沮廼

勅於先生故里講學處廓而祠之堂廡門垣巍  
如翬如厥度宏如歲二事祀焉所以闡先

生之學碩厥功而弘厥道也祠創迄今六十餘年其間尊慕德教者間嘗脩葺然歲久湮鬱風雨剝落不無蠹蝕廼嘉靖癸丑侍御尚君過先生祠謁焉曰

國有先哲祀事弗嚴惟吾職羞遂發金若干檄邑高侯督葺之侯憇歲歉甲寅秋成始鳩工飾材量程度費剔蠹以完易腐以新官靡妨務民不置力再閱月而祠告成棟宇仍舊絢豔奕如視昔若有增焉其裔孫惟傑惟慶輩持狀徵余記夫先生道德淑

人心忠貞載大史聞望在天下後世行將  
正祀典從孔庭廟享無斁與天壤相爲悠  
久茲一鄉之祀一字之葺豈足爲先生記  
哉雖然觀侍御之崇尚邑尹之駿奔俾四  
方士式崇閭而覩德輝如親炙焉則樂德  
公善之誠仰止風教之義於是乎可徵也  
已余後先生生殆百年且學未聞道不以  
不文辭者亦曠世之感而竊私淑焉者也  
僭爲之記尚君諱維持進士河南羅山人  
風猷素著茲其崇正學之一端云

重脩薛文清公林墓饗堂記

時嘉靖十七年戊戌

賜進士第刑部郎中安邑後學相世芳撰

於惟我薛文清公夫子山川鍾秀天與斯文道統上接程朱相業遠宗周孔實我

聖朝真儒之首也然久而後彰彰而未大雖邑祀有祠而未通於天下林墓雖有堂而未稱乎典禮故君子皆歎焉戊戌春陳南崖先生來尹河津下車之初旣肅謁夫子之祠矣復登拜夫子之堂陋其制也將圖改作臨未久也及夏政事漸成乃請於大巡

黃巖何先生先生聖賢之徒也樂觀厥成  
焉時不雨民未有孚或慮其弗果有知者  
曰南嶢前判均州實多異政持蓴秉公獲  
盜理冤皆感乎神明而神明嘗默相之於  
是乎有賈客之碑今耀河津未期而六事  
脩百廢舉禱雨即應逋稅自完而神明亦  
默相之於是乎有神燈之謠皆循良之異  
其於斯細也何有未幾卜吉命工相地  
料用遂撤其舊物新以美材大其制度華  
其棟宇爲堂也構楹惟四作架惟五前軒

後牖旣弘以嚴由是堂高宮廣巍然偉觀  
足以妥夫子之靈慰四方之瞻仰也嗚呼  
宜哉是役也始於五月七日成於九月六  
日官無所出人不知勞役不妨農時不稽  
久南岷其賢矣乎夫子之四世孫朝五世  
孫獎爲尚寶司少卿癸未進士華判官芝  
艾散官蘭茂蔓葉蕃生員芬及其六世孫  
教諭惟謙生員惟寬惟明惟聰惟慶惟傑  
惟夏徵余爲記圖功不朽余作而嘆曰敬  
軒夫子之道其大明與先時張給事疏請

從祀孔聖廟庭揚左侍進讀書錄頒行國  
子監今南涯效力夫子宫牆同一尊尚也  
夫人心尊尚大同公議無間崇入祀典其  
在今日矣敬軒夫子之道豈不大明也耶  
余不佞不可穢辭林墓唯命與賢不能違  
也南涯名大策字于朝河南登封縣人家  
乘江西泰和拂溪陳氏以文名鄉貢起家  
是宜記

重脩薛文清公先生塋宇記

河津縣知縣朝邑樊得仁撰

大凡前人之業非有後嗣之賢則亦莫能  
闡而揚之也蓋前者後之倡後者前之推  
故崇德者必象賢則夫孝者在乎善繼人  
之志善述人之事者也故禮部左侍郎兼  
翰林院學士謚文清公薛敬軒先生我  
國家真儒也其道德文章政事與夫出處大  
節光明峻潔邁迹前脩備載於敬軒集讀  
書行實二錄歷歷可攷所謂濂洛之流波  
覃懷之步武世所共仰者也董仲舒吳澄  
之流今皆從祀者以先生方之殆無愧焉

成化弘治時國子監丞李君紳給事中張  
君九功嘉靖首歲叅政許君瓚諸君子屢  
奏請從祀孔廟未幾然而第宅塋祠索然萎  
爾無所增益嗚呼先生之賢益於是乎見  
矣其五世孫大理寺寺副葵暨其兄癸未  
進士華弟國孖生芝艾邑庠生芬輩每以脩  
葺爲念顧其力有弗能者旣而華以葉縣  
令卒葵惟單子是懼益用殷憂乃屢謀諸  
山西巡按監察御史諸君乃正德甲戌張  
君士隆始於墓陵之地旣勤垣墉肯構肯

堂明年乙亥朱君寔昌惟其塗暨茨焉嘉  
靖丙戌馬君錄建尚書坊又二年戊子王  
君宣建大學士坊至癸巳歲仁承乏於此  
乃得而重新焉夫命工營繕者仁也而董  
督勞來者葵也從更區畫者仁也而綜理  
密維者葵也躬覩落成者仁也而光大先  
業者葵也仁不敢有其功而葵實能殫其  
孝是故先生之業庶幾乎不墜葵之賢於  
是乎徵矣若夫始終奔走司典物料者曰  
朝曰蔓曰謙曰菜焉葵三子惟明惟聰惟  
繼振家聲人謂葵華孝思所格是或一道而  
生雲仍之賢殆不止此嗚呼先生之賢受於  
是乎致焉

祭文類

維嘉靖二十八年歲次己酉冬十一月三十日鄢陵後學知澤州事前戶科左給事中陳棐謹以剛鬣柔毛清醑庶品之儀來享文清薛公之墓曰吁嗟乎世之人人知公名有重於今人學不媿於古人而不知公之理學爲我

朝第一人流品爲百代殊絕人人知公講道龍門可繼文中軌轍爲河汾之偉人而不知公天資粹美造詣精到每希體乎聖人

故公之穎悟類顏淵篤實似曾子高並乎  
孔子之門人人知公家於晉方卒於晉地  
祇以爲晉人而不知先學諭公鳴鐸鄆邑  
司樸械以作人模範教端陶鎔德厚留夫  
惠於鄆人而公亦名寄泮黌聲馳梁汴首  
冠乎豫省之人况公氣秉扶輿靈鍾海嶽  
直可爲斗南海內之奇人而今逝矣必耀  
而爲星辰潤而爲雨露流峙而爲山澤神  
氣擬充滿於宇宙而豈止於一方之人斐  
素承家學爲鄆野之鄙人叨登甲第列侍

從乎

一人而近歲以進言見忌流落下邑爲遷謫之  
旅人今幸移澤郡過公之里一拜公之祠  
下矣仍致瓣香之敬來謁公之隧墓並訪  
公之後人斐從此讀公之書學公之學求  
少異乎俗人而公靈不昧如肯潛迪默契  
苟不棄乎愚人則斐雖不敏亦當向往奮  
發思不負乎天地之全人梁木顏久兮孰  
起哲人生芻一束兮德比玉人嗚呼尚  
饗

維隆慶六年歲次壬申三月丙戌朔二日  
丁亥吏部左侍郎兼翰林院學士張四維  
謹以剛鬣束帛庶羞之儀告奠于

先正薛文清公之神曰嗚呼惟公契道以  
心體道以身斥遠異說不作空言正學一脉

昭代一人

朝著表儀釋子聞名

皇運聿昌僉論載明特表真儒從祀孔庭一時  
曠典萬世公心四維州里小子百年後生  
仰止每切寡過未能讀書有錄示我規箴

遵彼汾曲脩謁祠宮琴鳥瞻德黍稷薦馨  
流風穆若山高水清尚饗

維

大明萬曆四年丙子仲春乙丑朔越二十日甲  
申平陽府推官廣德李天植以職事來於  
河津祇用釋奠于

文清公薛先生之祠爰集先生之裔舉人  
薛應麟生員薛惟允等一十五人邑之舉  
人暢孟樂高拱辰與庠之髦士邵世勲等  
一百五十人及縣令盧重華教官馮賜徐

九功等邇先生之學而告之曰嗚呼斯道  
之在天地也流行不息師世立極代有哲  
人惟茲平陽蒲坂之間三聖肇興首闢渾  
淪龍門之下河汾交滙三賢繼作往轍可  
遵自卜子夏而後王仲淹崛起與其微言超  
詣殆涉涯津厥後沒於金元遂汨汨而泯泯

天啓

皇明載闢青旻倚維先生生有異質方髫髻而  
振振於

開創之初弗由師授獨奮遐志慨任斯道於

一身學宗主敬惟惕惟寅內省峻潔履蹈  
貞純由登第而立

朝直氣謹論正色垂紳知幾勇退簞瓢屢空  
樂以安貧歸然師表蓋伊川晦庵之倫晉  
魏秦楚燕趙齊魯之士從遊者衆絃誦彬  
彬閑家式俗穆乎風淳馴至易簣之際曰  
無一事覺性天通信真積之久契道合真  
沂

皇明之道源者先生其洵先生之學愈久愈新  
先生之後禮讓循循先生之鄉習尚猶醇

百七八十年之後尚洋洋如挹先生之神  
植甫有知識景慕先生竊嚮斯道擾擾遂  
巡司理茲郡四載以還計揚懿範有志未  
伸今詣祠下偕我後生敬宣往訓薦此藻  
蘋先生有知鑒我明裡

薛文清公行實錄三卷

維

萬曆二十六年歲次戊戌十月癸丑朔越  
初五日丁巳巡按山西監察御史涂宗濬  
謹以剛鬣柔毛庶饁之儀致祭于

文清薛先生之靈曰嗚呼乾坤之所以不毀  
日月之所以常明中國之不論於夷人類  
之不入於禽獸者果何所恃哉恃此道以  
為之綱維也開闢至今道之明晦或殊而  
世之污隆亦因以異前事之明效亦可睹  
已

明興再造乾坤治教休明篤生

夫子自濂洛之說以溯洙泗之淵源其為學以復性為宗以無欲為要清風大節凜凜天地間嗣是倡學諸賢相繼輩出而此道遂大明於世擬於宋儒開闢啟鑰

夫子則濂溪其人而諸賢則程張以下皆聞風而興起者也顧不偉與夫

先生之學四海之內百世之下尤將仰而思舊矧生於其鄉又矧為其子孫者乎夫文章氣節世不乏人然語於斯道未也變其

文章為道德變其氣節為聖賢豈非  
夫子所望於三晉之後賢者乎濬觀風茲土  
不勝仰止之思乃所望於

夫子之鄉之後賢紹明

夫子之志以共光此學則惟

夫子之靈有以默啓之也謹為文以

告尚

饗

薛文清公行實錄四卷

序類

讀書錄序

讀書錄者先師河東薛文清公手筆前後二十四卷也當先師著述時中心有得至忘寢食隨筆劄記未暇倫類已板行於世矣先師歿之二年愚反復讀之深有感焉乃倣近思錄分門別類去其重複釐爲二十四卷嗚呼書誠未易讀人誠未易知夫六經四書之在宇宙如天地之無窮江海

之不竭然而漢儒讀之則爲訓詁之學  
而儒讀之則爲詞章之學伐根而沃葉埋珠  
而絢綵於是口耳枝葉之學盛而吾道隱  
矣及乎宋儒讀之然後如麗日當空瑤琴  
出匣而吾道始大明焉然程子未遠而有  
淫於佛老之說朱子未遠而有易爲無極  
之論是蓋不待七十子喪而大義已乖矣  
惟我先師崛起數百年之後心印瀛洛神  
會洙泗學以復性爲本言以明性爲先其  
言曰六經四書性之一字括盡又曰孟子

之後道不明只是性不明至論所傳之事  
曰明此性行此性而已嗚呼至矣盡矣若  
夫風雲之樂鳶魚之詠每曰道理舉目可  
見其獨智自詣何如哉真可與點爾同遊  
周程共吟也韓子曰世無孔子不當任第  
予之列愚於先師亦云故曰書誠未易讀  
夫以武王之聖而不知夷齊以晏嬰之智  
而不知仲尼雖王達之舉周子蔡襄之薦  
明道亦豈盡知二公者哉若先師之處世  
自功名者視之則以爲偏自富貴者視之

則以爲迂尚綺麗者則病其枯淡尚博洽者則病其拘束抑孰知先師貌象大極心遊天真而無所待於外哉先師嘗曰楊雄言後世苟有楊子雲者必好之矣某之自信亦然故曰人誠未易知若夫先師仕止久速充實輝光許魯齋之後僅見而已其飄然脫洒無所顧慮雖劉靜脩鳳凰翔於千仞之氣象又何尚焉是宜行已立

朝磊落潔白終始無虧而立德立言與天壤俱存也歟嗚呼深哉愚以無似蚤遊門牆

老大無成心喪之餘手類遺編僭書於首  
後之君子幸垂鑑焉其詩號爲河汾集者  
亦僭爲序以傳其文若干卷仍如其舊書  
成友人山東章丘尹鈞州張慶景祥考績  
至京師見而嘆曰此吾道正脉也願捐俸  
鋟梓以廣其傳况山東乃先師持節提調  
學校舊歷之地遂書以歸之先師諱瑄字  
德溫官至禮部左侍郎兼翰林學士謚文清云  
成化二年丙戌夏六月丁酉門人伊洛閻  
禹錫頓首謹識

敬軒薛先生文集序

布帛之文菽粟之味朱子嘗以是而贊程子矣布帛可以常衣菽粟可以常食聖賢著述立言亦猶是也舍此則奇怪隱僻不經於世若左氏浮誇莊周荒唐是已君子所不與焉先師敬軒薛先生有見於此故其著述立言淺近平易使人易知豈奇怪隱僻不經於世者所可擬哉先生名瑄字德溫別號敬軒世爲山西河津人自幼篤信好古博學善記所著有讀書錄續讀書

錄河汾詩集行於世惟文集則先生孫前  
刑部員外郎襍魯托前常州同知謝庭桂  
板刊未就今年夏四月前監察御史暢亨  
先生同鄉謫官陝右道過鎮陽予因訪前  
集暢曰某於毘陵朱氏得之矣予喜而閱  
之但舛訛非原本矣因倣唐昌黎集校正  
編輯總千七百篇分爲二十四卷凡三易  
藁始克成編於戲先生文集流落江南二十  
餘年今傳於世豈非其數有所待與先生  
永樂庚子河南鄉試第一登辛丑進士

德丁未初授廣東道監察御史正統丙辰擢山東按察司提學僉事陞大理寺左右少卿以獄事註誤閒居七年正統己巳用言官薦左遷大理寺丞景泰庚午奉

勅總督松藩糧餉事竣陞南京大理寺卿未幾改北京大理寺天順丁丑陞禮部右侍郎兼翰林院學士入

內閣轉左侍郎越五月以疾在告懇乞休致通前章三上方得

時年六十九矣天順甲申夏六月終於家

朝廷遣官諭祭爲營葬事贈禮部尚書謚文

清予嘗記先生設教河汾一時及門之士雲集川匯鼎方十五六先生格言至論耳濡目染猶能憶其一二惜乎少年不及向學大抵先生剛方正大以聖賢爲師處已接物不詭隨不屈撓講論經書窮究義理自一身一心推之至於萬事萬物然後約之以歸於一其餘子史百家靡不淹貫究竟至極尤邃於性理之學周易太極圖西銘近思錄未嘗釋手常瞑目端坐思索有

得欣然見於顏面其學蓋已至於樂之之地矣言動舉止悉合規度可爲人法辭受取予一決於義終日衣冠危坐望之儼然可畏雖燕閒亦然居家孝弟忠信對妻子如嚴賓及至接人和氣可掬不語人以其所未至嘗以程門教人居敬窮理接引後學晚年造詣高明踐履篤實益至純熟其詩平易冲澹渾成不假雕刻讀者自當得之予早侍几席壯歷宦途老無所得追思誨諭不可及也先生歷官政蹟載在

國史其風節道德自有天下後世公論在不敢私  
弘治己酉夏五月端陽門人閔西張鼎序  
重刻讀書錄序

此敬軒薛先生讀書錄也先生博綜墳典  
究極要領嘗慕橫渠之爲學精思不舍晝  
夜驗之於心體之於身有得則筆之於紙  
日積月累以就此編其言近其指遠其論  
事核而有中其教人約而有序誠療饑之  
菽粟伐病之藥石也慨自科舉之法旣興  
而詞章之習寢盛世之所謂讀書者競逐

末而遺其本買櫝還珠之弊譬諸江河日  
趨日下滔滔乎而不反也是故古之讀書  
也以明心今之讀書也以喪志古之讀書  
也以窮理今之讀書也以干利明心者誠  
喪志者惑窮理者達于利者鄙書一也讀  
者異焉人才之邪正世道之污隆風俗之  
盛衰政治之得失胥繫之焉爾矣嘗試語  
於衆曰如之何讀書而可以工文詞取科  
第也靡有不悅聞而欲從者又嘗語於衆  
曰如之何讀書而可以變氣質成德性也

聞者艷然雖弗之非而竟弗之信矣此無  
他勢使之然也故有識之君子恒以爲憂  
而欲亟反之顧予寡昧亦竊有志焉而力  
未能也間嘗得是錄而伏讀之反覆玩味  
有感於心謂可以救學者逐末遺本之弊  
而歎夫傳者鮮焉今年秋巡視河東念茲  
爲先生之邦君子之澤殆未泯也安知無  
信而好之者乎予將表而行之庶幾由茲  
以及夫天下也偶安運使奎持此告予以  
舊本漫漶殊不便繙閱欲重刻之於書院

以待來者適與予意會也因取而手校之  
釐爲十卷付之鋟梓旣訖工固請予一言  
以爲序予曰先生之遺言非俟予言而後  
傳也所以表而行之寔欲夫人之傳之也  
於是乎識

正德庚辰九月癸未歸善鄭維新序

讀書錄要語序

河東薛文清公讀書錄及續錄舊嘗講而  
讀之竊見先生察理之密造道之深與夫  
立言之精切的確未嘗不掩卷深嗟戚戚

然以不得一及其門爲恨旣而廢書奔走  
四方事與心違蓋已十忘八九尤切病之  
至是復得是編於成都少府蒼梧吳君獻  
臣乃錯舉錄內若干條萃爲一帙名曰要  
語姑即是而觀之多累數十言少止一二  
句高不淪於空虛卑不溺於形器無非切  
於學者心身日用之實然則書雖約讀者  
固不得而少之粵自孔孟旣歿道喪無傳  
千有餘年至宋程朱諸儒輩作真見允蹈  
毫分秒析而後斯道粲然復明於世自時

厥後咸謂理學大明苟志於道無難矣愚竊以爲不然三代而後義理之學固莫甚於宋而末學異學之盛亦無踰於宋者姑舉一二言之如六一東坡之文元城了翁之禪皆可娛悅性情使人終身慕而不厭者也市多綺縠則布帛不售庖有梁肉則粳稗不炊然則士生宋後孜孜義理之學者宜亦不多見矣故後世聞而知之篤信不變者在元有許魯齋在

國朝有先生二人而已夫以上下二百餘年

僅見一二乃謂苟志於道無難者豈其然歟  
今先生格言具在學者由此以求程朱之旨趣  
上溯孔孟之精微正猶泛舟長江因風舉帆直趨於海  
鳥有不至之理而往往沉溺他途雖有豪傑之材不能自拔其  
亦弗思甚矣夫末學非道猶不失爲君子多能之資若夫元城了翁諸賢豈後學所敢輕議徒以禪氏宗旨終不得與於斯而近世名儒有負天下重望者即而叩之不過竊其遺緒以自珍秘至老且死莫覺其

非其如先生何哉然則從事末學異學者  
舉非先生之徒而充爲矛盾可斥者其惟  
異學也夫

弘治癸亥春三月壬午後學古餘張吉序  
吳公延舉曰予非敢僭有所取舍也取其  
中吾氣習之病者而攻之爲日用潛脩地  
耳譬諸中風痺者世醫投防風羌活諸藥之  
劑先焉若夫空青水碧世外奇寶非不用  
也將以待別科也

### 從政名言序

序曰學非聖非學也政非王非政也學不  
自孔子非聖也政不自周公非王也蓋有

河圖洛書之旨而後可以言學有関睢麟  
趾之意而後可以言政後世學者顓顓於  
辭章規規於智力者皆是也而可以言學  
與政哉而可以言聖與王哉續宗嘗讀敬  
軒集而見其學與政也由程朱而孔子者  
也由司馬而周公者也夫周公孔子其學  
與政豈與人異哉亦曰誠而已矣亦曰純  
而已矣然先生之至德要道學者內聖外  
王之本不外是也苟舍是焉吾不知其學  
與政矣續宗守郡嘗以敬軒讀書要語錄

而刻之以與學聖者共及叅藩又錄其爲  
政名言以與學王者共非敢言入室亦竊  
欲升堂而未能也頃見古今論爲政者若  
呂氏之官箴胡氏之緒論非不當於事理  
至敬軒之語不獨本於王道而實切於日  
用固今時居官者之藥石也蓋敬軒

國朝碩儒也名臣也故所聞所見非古不通  
於今異代不通於當時者比譬之同室之  
人人悉其聲同里之人人悉其容故一言  
一動無不益吾身心者無不中吾膏肓者

是可取以爲階梯也哉於戲不欲學孔  
則已如欲學孔舍程朱奚以哉不欲學周  
則已如欲學周舍司馬奚以哉不欲學司  
馬程朱則已如欲學司馬程朱舍薛文清  
奚以哉

嘉靖十有四年冬十月五日河南布政使  
司右布政使天水胡纘宗序

詩類

贈敬軒先生致仕

李賢華蓋殿太學士

自許孤忠結主知，居官寧肯論安危。  
平反不愧張廷尉，三黜何慙柳士師。  
已向一身中道立，更看千古大名垂。  
到家莫廢常編業，伊洛高踪尚可追。

又贈

朱祚尚寶司少卿

名利場中一夢醒，如君端不負蒼冥。  
村醪且去隨時飲，澗水重來洗耳聽。  
俗眼任他終日白，山光還似舊時青。  
從教門外塵如

海坐向空齋閱聖經

慕薛文清

石玠

山西提學副使正德三年

未能椒酒奠文清  
塵迹匆匆意自縈  
以女守身端有法  
遺經訓子亦成名  
成均尚守蘇湖式  
天下應傳涑水聲  
自愧晚生膠耳目  
仰瞻無力致誠明

謁文清先生祠二首

王諤

建邑令西安人正德五年

道在身何詘心安死亦寧  
江山餘故宅天地並佳名  
濂洛功堪恃春秋祀有成  
幾年仰止重不盡辨香情

躋顯心如水衰年道益尊清聞徹

帝座德望重台垣去就終同許即魯科名繼有

孫春秋嚴祀事今古在乾坤

謁文清公詩二首

韓相

邑令東魯人正德十年

山川鍾秀氣夫子出河東晚績讀書錄栽  
成天地功春秋宜享祀道統繼無窮草木  
不同朽芳名萬古隆

文清 當代望千載仰高風道大如天濶  
心平似鑑空生前無間議沒後有奇功著  
述同濂洛乾坤萬古崇

營建文清祠聯句

內濱初界谷泉儲  
良村西野呂柳

特特河津謁故祠內濱蕭蕭環堵動予悲

谷泉拓基聊買屋邊寺涇野瞻勅重鐫廡

下碑內濱當代孫公崇正學谷泉百年今

日觀威儀涇野柱旌恍惚來雲雨內濱肯

惠斯文慰我私谷泉

謁文清薛夫子祠李思進咸陽丞祀

理學

皇朝第一人功夫主敬最爲真如何謚者不詳

議只向文清二字論

文清正學書院署

侯封邑人教授

誰構新梁棟重門禮敬翁登堂思道範入室儼音容灼灼河汾化遙遙洙泗風幸親君子澤好約步芳踪

其二

河汾琴鼓尚餘鏹環牀當年藹儔英答問遠從河洛外冠裳纍進陞庭行遙追子夏文學跡再舉王淹教授程異世同聲鳴孔澤斯文興起共良盟

其三

先生鐵漢擅時評布帛機上繭絲功百折  
精從性裏做萬言饒自敬中生讀書一錄  
皆心學文獻諸集是正情闕里遺澤曾幾  
世憑誰振振再文明

行實錄

周德恭

道德表當年聲名揚後世遺編耿耿垂後  
學當思繼

讀書錄

渾爾真實語非爲奇異言千年延道脉萬  
代共心源

河汾集

爲魚皆道理妙契樂情多隨筆成吟者依  
俴四始歌

謁

後學楊正芳

文清公祠有感

吾盟誰狎主當代首鴻儒正氣昭王報微  
言入帝圖荒苔封石碣古木隱城闕把酒  
頻相問玄珠定有無

獨結空明腑重開混沌天諸儒歸領袖靈  
氣付山川俎豆當年定衣冠覺後傳憐予  
岐路哭何日跨飛鳶

知縣崔講刊

薛文清公行實錄五卷

諸公敘述文

大學士彭時銘曰心契乎性理之淵源行  
蹈乎聖賢之軌轍窮達一心夷險一節此  
其所以有異乎今人而無愧乎往哲也

侍郎周宣都御史林聰李秉以文弔之曰  
先生學究先天而不以言語文字之爲工  
道歸皇極而惟以躬行允蹈之是崇讀書  
一錄皆布帛菽粟之切於日用詩文千卷  
咸體道形容之出於心曾文德兩著實威

鳳瑞麟之翥乎霄漢權奸頓挫見泰山喬  
嶽之屹乎蒼穹挺追先賢之逸駕蔚然

當代之儒宗嗚呼道在天地混一含三孟軻

既沒孰示指南

麟洛閩閩實  
其承微言

繫美義以明歷元

及今罕至於道猗歟我公終期遠到匪我  
之藏亦行於用始擢御史朝陽鳴鳳繼食  
外臺造士達材學政斯舉聞譽聿來

帝曰汝弼進卿大理疏滌寃滯乃眷毗倚中更  
拂鬱吾道之厄積久彌彰

寵命斯赫遂位南畿再遷

中朝益熙厥績德邵年高乃登黃閣秉化  
之軸道大光顯功及斯民夫何掌

制曾未及期爲鬼爲蜮萋兮斐兮不俟終日

抗章西還左圖右書悠然南山伯起獨清  
疏廣知幾優游卒老俛仰化機嗚呼渾坯  
日喪勢利交馳道日以乖俗日以漓砥柱  
中流能幾何人景行行止不屈其身中貴  
弄權人罕不趨公獨屹屹行與道俱厚位  
盛祿多士縻之公獨勇退屯膏弗施直全  
厥道遑恤其他高風凜凜千載不磨

布政使丘陵以文弔之曰先生道學可以  
接響乎伊洛文章可以繼美乎昌黎任風  
紀而宇內澄清掌大理而鑑空無私及貳  
秦官夙夜惟寅

內閣秉鈞邦政以平士大夫莫不慕其德而  
仰其名也先生所造旣明且哲年踰耳順  
致仕全節士大夫又孰不美其進可師而  
退可則也誠急流中之勇退鷄群中之野  
鶴可謂儒林增光而斯道有托也

學士劉定之曰直躬慕古談道淑徒進無

附麗退不慕戀

南海霍韜曰原其精神心術無頃刻不師  
孔子之教自童丱至歿齒無頃刻忘聖經  
之言出處不改其操禍患不易其節貧賤  
不移其介身爲世師言爲世訓動爲世式  
晦而彌彰抑而彌光非真誠積累之素不  
能也故曰我

聖朝從祀之儒惟薛瑄無愧自瑄而下或篤行  
高蹈而識度淺隘或高明超邁而淫於佛  
老陰翊邪說明叛聖軌天資愈高陷溺愈

深皆孔子中正之道未有聞故也  
知縣沈維藩曰先生學本六經行高一世  
遙續千載文垂萬言又曰書則一方莫傳  
者何哉厭古樂而樂鄭衛者固人之情也

門人叙述文

門人白良輔哀之曰太極之實不過乎中  
正仁義而已欲知先生之道當觀之太極可也  
門人王葵哀之曰先生之學造乎無極太  
極之妙先生之行謹乎難進易退之操  
門人李杲曰先生之怒也如雷迅風烈其

過也如雲消霧釋剛毅絕肖伊川其氣象亦類之

門人王復曰先生氣貌莊嚴鬚甚脩美望之儼然可畏及聽其言溫然可挹侍坐其傍不覺邪念之屏伏

### 遺事

先生一日在內閣同列忽不在先生問左右曰何往左右曰適往謁中貴會至先生曰學者多說道不知出門一步已錯了既而齒狐貍狗媚吾新深耻

天順元年正月內法司擬太保王文等謀危

社稷凌遲處死一日同列皆衣紫先生問之同  
列曰不知耶欲刑某等耳先生曰此事人所共知各有子孫忠國公石亨奮然曰事  
已定不必多言會

上召諸公議之先生曰

陛下復登寶位天也今三陽發生不可用重刑  
諸公皆不言遂

詔減一等先生退而嘆曰殺人以爲功仁者不

爲也即有去志

一日同列將進閣有一達官趨而樞同列衣以踰闕者先生鄙之曰昔有拂鬚叅政今有樞衣侍郎後人問之終不言其姓名一日李學士賢與同列嘍山西人鄙吝戲謔爲笑先生正色曰儉乃人之美德且此地非戲笑之所衆遂凜然會

召見入一便殿先生侍立久不覺以手拂鬚李退謂先生曰此何地也而以手拂鬚乎同列曰此報前日之讐也遂大笑

一日學士徐有貞李賢許彬退朝謂耿都御史  
上不悅石亨所爲盡令御史劾之耶先生謂諸  
公曰易云君不密則失臣臣不密則失身  
春秋譏漏言旣而嘆曰兢端從此始矣後  
果以此致敗

先生辭允岳正入閣來請教先生曰凡事  
且緩又曰英氣大露害事會正不久得貶  
正曰某先生之罪人也

先生辭允三日卽出城行至直沽中道遇  
風雨舟不能行候糧俱乏至日中猶未食

先生吟詠作詩不輟子淳私愠言曰人家  
好好做官他便要退受困誰怨先生聞知  
以杖擊之曰我雖困而道則亨也

閻禹錫問李賢何如先生曰道理儘說得  
經學最熟只少立於義有些富貴氣象  
或問閻禹錫白良輔先生曰洛陽似此兩  
人也難得但恐後來立脚不定往別處走  
學士許彬與徐有貞草誥辭有曰治水東  
郡纘禹成功先生曰擬人必以其倫彼何  
人而擬之禹也

上果不悅卒以此致敗衆以先生爲知言云

門人問近時人稱楊榮有王佐之才先生  
曰要有王佐之事業須有聖賢之學問

先生幼時亦尚豪氣數首詩立就在山東  
憲使黃翰善書能詩一日以詩請和先生  
援筆答之少刻益以數首至先生即以十  
餘首答之翰不復能乃謂衆曰薛先生書  
厨隨取隨有翰乞兒也旋去尋討

先生書似晦翁體甚是道勁

先生山東提學時有一生員實聰敏因貧

欲退故試不中生員豫與教官關節同言  
曰生員果不堪先生曰生員二祭掌何事  
余曰擊磬耳先生曰磬在八音難和也彼  
能和之亦可用也卒不聽其去後其人登  
科自言其事

祠堂柱聯

承祀儀而竭精意欽崇無已  
拱遺像而仰德輝景慕胡忘

文章羽翼六經高風出班馬韓歐之格  
道義渾淪三代元氣回關閩濂洛之波

知史  
翰時

河汾鍾秀真儒廼出羲文周孔之緒端不墜  
洙泗衍淑正學以傳濂洛關閩之命脉常存  
一代綱常盟主

千年道統嫡傳

學宗洙泗源頭遠

道啓河汾流派長

薛氏歷世科貢傳芳圖

薛貞洪武甲子舉人任元氏王田榮陽驛  
陵河內教諭一任馬湖府平夷長官

司吏目以子瑄貴贈通議大夫大理寺卿

薛瑄中河南永寧人子解元辛丑進士廣  
東道雲南道御史陞山東提學大

內閣轉左侍郎贈禮部尚書謚文清公二世  
少卿又大理寺丞又陸南京大理寺卿  
北京大理寺禮部右侍郎諡文清公二世

薛溥生員三世

薛祺天順甲申進士任刑部主事陞本部  
浙江同員外郎四世

薛韶恩生任深州判官陞東成縣知縣五  
世

薛葵恩少卿中書舍人又大理寺副陞尚寶  
司少卿六世

薛艾貢士任陝西寧州判六世

薛華正德庚午舉人嘉靖癸未進士任河  
南葉縣知縣六世

薛芝貢士任南畿宿州判官六世

薛惟謙順學士正七世河南陝州訓導陞陝西乾  
州學士正七世

薛惟傑貢士任州七世間府通判陞陝西

薛應麟隆慶庚午舉人任河南舞陽縣知

薛應第監生八世

薛應闢貢士任山西沁州訓導八世

薛士弘選貢任陝西鄠縣知縣又轉陝西真寧縣知縣

陞鄠州知州九世

薛士燦監生任北京神策衛經歷司經歷

薛繼巖崇禎壬午舉人任湖廣荊門州知

薛昌胤崇禎壬午舉人任山東

奏請先生從祀人姓名

劉定之

禮部侍郎贈尚書諡文安公正統

姚謨工部侍郎

李紳

國子監丞

陳銓

成化二年

張寧

蒲州同知

張表

石州教諭

張九功

禮部右給事中

楊庶

刑科給事中累官南京禮部侍郎

許讚

四川右叅政諡文恪江少保兼太子太傅

霍韜 正德甲戌會元廣東南海縣人

楊瞻 直隸監察御史蒲州人

尚維持 山西監察御史河南羅山縣人

趙軌 禮部給事中周弘祖 直隸監察御史隆慶元年

李純朴 廣西道監察御史馬三樂 貴州道監察御史隆慶五年

韓楫 吏部給事中蒲州人

維遵 禮部左給事中

安邑後學張跋重校

薛文清公行實錄五卷畢